

落腳台中 江秀鳳(四縣腔)

吾姆在苗栗大山頂出世，下後搬到台北，會落腳台中全為著厝，在四，五歲該央時，厝著著（cog do\）「百日嗽」，嗽當久就毋會好。有一日阿姨對台中來吾屋下祭，看厝嗽毋會煞，吾爺哀又愛上班賺錢，吾姆係蠟燭兩頭燒，面黃人瘦，阿姨看著盡毋盼得，就摺厝渡轉去台中照顧。

講著吾姨盡惜厝，日日就買牛乳分厝準滾水食，渡等厝中醫，西醫看透透，聽人講哪位有先生當慶，較遠就渡厝去。厝係一個平時恬恬，應一句話就像打雷公個細人仔，姨丈盡好頂確厝，厝逐擺應話就超過佢兜個想像，分佢兜笑到當暢，吾姆講該安到「詩個語言」，故所阿姨同姨丈麼個就會買分厝，衫褲，鞋襪，人公仔，哪就渡厝去祭，摺厝準做自家個妹仔惜。

下後阿姨建議吾爸吾姆搬到台中歇，為著吾個康健，正經歸屋下人搬來台中太平。搬到台中，除忒阿姨以外，還有一個表阿姨，係吾姐婆厥老妹個妹仔，其他在台中全無熟事人，講起來吾爺哀也當勇敢，來到台中尋頭路絡食做盡愛從頭起勢，一切白手捉魚尋事做，畜一屋下人。

還記得分阿姨畜到肥固固仔，生肉生到像雞胗仔樣，鄰舍叔姆同吾姨講：「毋好再過分佢食恁多了，你看厥肉強強會必開來了。」

搬到台中，吾姐比厝還較暢，佢比厝大三，四歲，轉學個時節先生講：「台北來個就係無共樣，麼個就曉得，功課好、畫圖、運動樣樣會，頭擺打頭名個同學分佢打下來，關到無愛摺吾姐講話。」

吾姆輒輒講，搬來台中當好，這位天時好，上班騎 o do bai\ 做得一路看天看雲看屋仔，對律師事務所行到法院辦公室，行巷路，歸路仔一年四季都有人種花草，又靚又萋還打眼，有一日吾姆對舊監獄高牆下行過，堵堵正落大雨落忒，有一大陣蝸螺仔，像比賽樣仔，歸扇壁淦淦趕往上，還壯觀哪！大家毋識看過個植物當多，吾姆看著歸婆蘿浸青個葉仔肚項，園等一粒一粒圓圓無拳頭嫩恁大粒個青果子，就摘一粒下來，帶轉去辦公室問同事，同事摺吾姆講該係愛玉，等佢必開來，就做得拿來洗愛玉，加糖攤涼水食。

台中係一個文化城，吾姆在這位正開始教作文班、寫詩、寫文章，對華語寫到學老，這下全力寫佢自家個阿姆話用「客語文創作」，吾爸也在台中做頭路做到異順序，好得有台中個好光景，分厝留下靚靚個童年。

2018.5.8 在台中 55 路公車頂